



Inatsisartunut ilaasortaq
Adam Kristensen, Inuit Ataqtigiit

Illoqarfinni mikinerusuni nunaqarfinnilu kuuffissualersuinissamut aamma tarajuaat atorlugu imiliorfinnik periusissiamik pilersarusiornissaq pillugu § 37 naapertorlugu apeqquteqaammut nr. 230-2024-mut akissut

Asasara Adam Kristensen

Inatsisartut Suleriaasianni § 37, imm. 1 naapertorlugu apeqqtut 230-2024 Illoqarfinni mikinerusuni nunaqarfinnilu kuuffissualersuinissamut aamma tarajuaat atorlugu imiliorfinnik periusissiamik pilersarusiornissaq pillugu Naalakkersuisunut apeqquteqaateqarputit. Apeqquteqaatit uannit akisassanngorlugit innersuunneqarput.

1. Illoqarfinni mikinerusuni nunaqarfinnilu imermik periarfissaqarluartuni kuuffissualersuinissaq siunertaralugu Naalakkersuisut periusissialiornissamik aallartitsinissamut pilersaaruteqarpat?

Akissut

Naalakkersuisut anartarfilerineq pillugu iliuusissatut suliamut pilersarusiamut aallartitsinissamut aallartipput. Iliuusissatut suliamut pilersarusiamut aggersumut ilaatigut, illoqarfinni mikinerusuni nunaqarfinnilu kuuffilersuisinnaanissamut nalilersuissaaq. Matumani illoqarfinni nunaqarfinnilu eqqiarfiit ikkussugassanik atortulersorneqarsinnaanissaanut tunngatillugu misissorneqarput. Misissuinerit aallarnersaataasunut tulleriarineq aamma aningaasaliinissamut atorfissaqartinneqartut suliarineqarput. Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup anartarfilerinermut iliuusissatut suliamut pilersarusiaq aprilimi 2025-mi naammassineqarnissaa pilersaarutigaa, aamma illoqarfinni mikinerusuni nunaqarfinnilu eqqiarfiit ikkussugassanik atortulersuinissamut pitsanngoriaataasinnaasunut nalilersuissaaq.

2. Inoqarfiit mikinerusut imermik periarfissaqanngitsut immamit tarajuaat atorlugu imiliorfinnik pilersitsiortornissaq siunertaralugu Naalakkersuisut periusissiamik aallartitsinissamut pilersaaruteqarpat?

Akissut:

Kalaallit Nunaanni pilersuineq nutarsaaviginissaat aamma pitsanngorsaaviginissaat pillugu Naalakkersuisut Nukissiorfiit ataavartumik suleqatigaat. Imermik tarajoqanngitsumiit pilersuinissamut pilersitsinissamut

Allakkap ullua: 11-11-2024
Suliap normua: 2024 - 1126
Allagaatip ilisarnaataa:
24748628

Postboks 1614
3900 Nuuk
Oqa.: (+299) 34 50 00
Fax: (+299) 34 54 10
E-mail: pan@nanaoq.gl
www.naalakkersuisut.gl

periarfissaanngippat, tarajuaat atorlugu imermik pilersuineq periarfissatut kingullertut isigineqarpoq. Tarajuaat atorlugu imiliorfimmik ingerlatsinissaq akisuneranut tamanna peqquteqarpoq.

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik imermik pilersuinissaq 2025-mi iluusissatut suliamut pilersaarussiaq pilersaarusiassatut suliaraa. Tamanna illoqarfinni mikinerusuni nunaqarfinnilu pilersuinissamut suliaqarnissaq sammineqassaaq.

Inussiarnersumik inuulluaqqusillunga


Kalistat Lund

INUIT ATAQATIGIIT INATSISARTUNI



31.10.2024

Inatsisartut suleriaasianni § 37, imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqut

- 1. Illoqarfinni mikinerusuni nunaqarfinnilu imermik periarfissaqarluartuni kuuffissualersuinissaq siunertaralugu Naalakkersuisut periusissialiornissamik aallartitsinissamut pilersaaruteqarpat?**
- 2. Inoqarfiit mikinerusut imermik periarfissaqanngitsut immamit taraluijaat atorlugu imiliorfinnik pilersitsiortornissaq siunertaralugu Naalakkersuisut periusissiamik aallartitsinissamut pilersaaruteqarpat?**

(Inatsisartunut ilaasortaq Adam Kristensen, Inuit Ataqatigiit)

Tunngavilersuut:

Inuit Ataqatigiit Kattuffiat juulimi 2024 Aasianni ataatsimeersuartitsimmat, Regine N. Bidstrup oqallisissiaa, nunaqarfinni kuuffissualersuisoqarnissaanut tunngassuteqartoq, eqqartorneqarpoq tapersorsorneqarluartumik. Naluneqanngitsutut illoqarfinni mikinerusuni nunaqarfinnilu anartarfinnik atserisarneq ajornartorsiutaavoq, igammik sulisoqarniarnikkut ajornartorsiorfiusarluni. Kuuffissualiorsinnaanerlu ajornartorsiutip qaangerniarnissaanut aqutissaalluarpoq.

Taamatuttaa q inoqarfinni mikinerusuni ajornartorsiutit ilagivaat imeqarniarneq. Iermik amigaateqarnerup kigunerisinnavaa eqqiluitsuunissamik ajornartorsiuteqarneq. Iqqiluisaassagaannimi imeq pinngitsoorneqarsinnaanngilaq. Inuit Ataqatigiinni siunnerfigisarput tassaavoq nunatta naligiinnerusumik ineriartortinnissaa, tamannalu anguniarlugu sulivugut. Ataqatigiissakkamik periusissiornermi nunatta ineriartornissaa angusinnaavarput. tamannalu kissaatigisatta annerpaat ilangivaat, peqatigiillutalu nunarput alloriartissagipput.

Kissaatigaaralu apeqqutima ullut qulit iluanni akineqassasoq.